

საქართველოს იუსტიციის სამინისტროს
საჯარო სამართლის იურიდიული პირი
საქართველოს ეროვნული არქივი



გამარტივებული ელექტრონული ტენდერის
საშუალებით დაცვის მომსახურების შესყიდვის
სატენდერო დოკუმენტაცია
(CPV-79700000)

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონისა და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის N9 ბრძანების საფუძველზე.

1. შესყიდვის ობიექტი:

შესყიდვის ობიექტის დასახელება, რაოდენობა, მიწოდების ვადები და ადგილი, მოცემულია „ტექნიკური დავალება - ფასების ცხრილი“-ში სატენდერო დოკუმენტაციის დანართი N2-ის სახით.

2. ტექნიკური დავალების საგალდებულო მოთხოვნები:

- 2.1 მომსახურების გაწევისას მიმწოდებელმა არ უნდა გაამჟღავნოს „შემსყიდველი“-ს სამსახურებრივი საიდუმლოება;
- 2.2 მიმწოდებელმა მომსახურების გაწევა უნდა განახორციელოს სამუშაო ფორმით, ცეცხლსასროლი იარაღის გარეშე;
- 2.3 მიმწოდებელმა კეთილსინდისიერად უნდა შეასრულოს დაკისრებული მოვალეობები, „პოლიციის შესახებ“ კანონის მოთხოვნათა შესაბამისად;
- 2.3 მიმწოდებელი ზარალისათვის პასუხისმგებლობას იღებს მასზე დაკისრებული მოვალეობების არაჯეროვანი შესრულების შემთხვევაში;
- 2.4 ზარალის ოდენობის განსაზღვრა მოხდება მხარეთა მონაწილეობით შედგენილი შედარების აქტით, რომელიც უნდა ეყრდნობოდეს შემსყიდველის საბუღალტრო დოკუმენტაციას;
- 2.5 შემსყიდველისათვის ფაქტობრივი ზარალის ანაზღაურებას მიმწოდებელი მოახდენს ერთობლივი კომისიის დასკვნის ან სასამართლოს კანონიერ ძალაში შესული გადაწყვეტილების საფუძველზე;
- 2.6 მიმწოდებელს პასუხისმგებლობა არ ეკისრება თუ შემსყიდველმა არ შეასრულა ხელშეკრულებით გათვალისწინებული პირობები, პირველადი და შემდგომი გამოკვლევის აქტების მოთხოვნები;
- 2.7 მიმწოდებელს პასუხისმგებლობა არ ეკისრება თანამშრომელთა პირად საკუთრებაზე, რომელიც დატოვებული იქნა დასაცავ „ობიექტში“;
- 2.8 მიმწოდებელს პასუხისმგებლობა არ ეკისრება მატერიალურ ფასეულობების ქურდობისათვის, თუ ქურდობა ჩადენილია შემსყიდველის მიერ „ობიექტის“ დაცვისათვის ჩაუბარებლობის მიზეზით.
- 2.9 მომსახურების გაწევისას დასაქმებული პერსონალი უნდა იყოს მაღალკვალიფიციური კადრებით დაკომპლექტებული, რომელთაც უნდა გააჩნდეთ აღნიშნული საქმიანობის არანაკლებ ერთი წლის გამოცდილება ან გავლილი უნდა ჰქონდეთ აღნიშნული მომსახურების გაწევისათვის შესაბამისი გადამზადების კურსი.

3. ანგარიშსწორების პირობები:

- 3.1 ანგარიშსწორება განხორციელდება უნაღდო ანგარიშსწორებით, ეროვნულ ვალუტაში – ლარში, ხელშეკრულების ღირებულების ფარგლებში, მხარეთა შორის გაფორმებული მიღება-ჩაბარების აქტის (მათ შორის შუალედურის) და მიმწოდებლის მიერ წარმოდგენილი ანგარიშ-ფაქტურის (კანონმდებლობით გათვალისწინებულ შემთხვევაში) საფუძველზე, დოკუმენტების სრულყოფილად გაფორმებიდან არაუგვიანეს 10 (ათი) სამუშაო დღის განმავლობაში.
- 3.2 წინასწარი ანგარიშსწორება არ გამოიყენება.

4. სატენდერო წინადადების ფასი

- 4.1 დაფინანსების წყარო: სსიპ „საქართველოს ეროვნული არქივი“-ს 2017 წლის სახელმწიფო ბიუჯეტის ასიგნებები.
- 4.2 შესყიდვის სავარაუდო ღირებულება: 20,000.00 (ოცი ათასი) ლარი დღგ-ს ჩათვლით.
- 4.3 პრეტენდენტის მიერ წარმოდგენილი სატენდერო წინადადების ღირებულება გაანგარიშებული უნდა იყოს ეროვნულ ვალუტაში - ლარში. საქართველოს კანონმდებლობით გათვალისწინებული ყველა გადასახადის ჩათვლით. ხარჯი, რომელიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას.

5. მომსახურების გაწევის ვადები და პირობები:

სატენდერო დოკუმენტაციის დანართი N2-ით გათვალისწინებული მომსახურება უნდა განხორციელდეს 2017 წლის 01 იანვრიდან 2017 წლის 31 დეკემბრის ჩათვლით. რუსთავის რეგიონული არქივის შემთხვევაში (მისამართი: ქ. რუსთავი, ხალხთა მეგობრობის გამზ. 20ბ) ყოველდღიურად, შაბათ-კვირის გარდა, 09:00 საათიდან 18:00 საათამდე, 1 ცვლიანი სამუშაო რეჟიმით, ხოლო ზუგდიდის რეგიონული არქივის შემთხვევაში (მისამართი: ზუგდიდი, იონა მეუნარგიას ქ. #11ა/ზვიად გამსახურდიას 14ა) სამუშაო დღეები (ორშაბათი - პარასკევი) 18:00 სთ-დან დილის 09:00 სთ-მდე; არასამუშაო დღეებში (შაბათი-კვირა, დღესასწაულები) – 24 საათის განმავლობაში, 2 ცვლიანი სამუშაო რეჟიმი, ან მიმწოდებლის შეხედულებისამებრ.

6. პრეტენდენტის მიერ სისტემაში ასატვირთი მონაცემები:

- 6.1 პრეტენდენტმა უნდა წარმოადგინოს რეკვიზიტები დანართი №1-ის შესაბამისად, დოკუმენტაციაში მითითებული ფორმისა და შინაარსის დაცვით;
- 6.2 შესყიდვის ობიექტის „ტექნიკური დავალება - ფასების ცხრილი“, სატენდერო დოკუმენტაციის დანართი N2-ის შესაბამისად, დოკუმენტაციაში მითითებული ფორმის დაცვით;
- 6.3 შესაბამისი სახელმწიფო უწყების მიერ დაცვით საქმიანობაზე გაცემული ლიცენზია ან შესაბამისი ნებართვის დამადასტურებელი დოკუმენტი;
- 6.4 ინფორმაცია მომსახურების გაწევისას დასაქმებული პერსონალის შესახებ, სატენდერო დოკუმენტაციის 2.9 პუნქტის შესაბამისად, წარმოდგენილი უნდა იქნას შესაბამისი დამადასტურებელი დოკუმენტები.

7. დამატებითი პირობები

- 7.1 პრეტენდენტს არა აქვს უფლება წარმოადგინოს ალტერნატიული სატენდერო წინადადება.
- 7.2 აღნიშნულ გამარტივებულ ელექტრონულ ტენდერში მონაწილეობით პრეტენდენტი ადასტურებს, რომ სრულად ეთანხმება ამ კონკრეტული გამარტივებული ელექტრონული ტენდერის სატენდერო განცხადებითა და სატენდერო დოკუმენტაციით მოთხოვნილ პირობებს.
- 7.3 სატენდერო წინადადება, აგრეთვე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილი უნდა იქნას მხოლოდ ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.
- 7.4 „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების მე-11 მუხლის 21 პუნქტის საფუძველზე, იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, **პრეტენდენტმა არაუმეტეს 2(ორი) სამუშაო დღის ვადაში უნდა წარმოადგინოს/ატვირთოს ფასწარმოქმნის ადეკვატურობის დასაბუთება ექსპერტიზის დასკვნის სახით, რომელიც დაადასტურებს პრეტენდენტის მიერ დაფიქსირებულ ფასად ნაკისრი ვალდებულებების შესრულების შესაძლებლობას. დასკვნა გაცემული უნდა იყოს სსიპ „ლევან სამხარაულის სასამართლო ექსპერტიზის ეროვნული ბიუროს“ ან/და შესაბამის სფეროში საქართველოს კანონმდებლობით განსაზღვრული აკრედიტაციის მქონე პირის მიერ;**
- 7.5 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის - „კითხვა/პასუხი“ მეშვეობით.
- 7.6 შესყიდვის პროცედურების შესახებ ინფორმაციისა და განმარტებების მიღება შეუძლია ნებისმიერ პირს სატენდერო კომისიის აპარატში - ქ.თბილისი, ვაჟა ფშაველას №1. საკონტაქტო პირი: ნ. დემეტრაძე ტელ: +99532 238-14-25. ndemetradze@archives.gov.ge.

დანართი N1

რეკვიზიტები	(ივსება პრეტენდენტის მიერ)
პრეტენდენტის იურიდიული ფორმა და დასახელება:	
ხელმძღვანელის სახელი და გვარი:	
პრეტენდენტის იურიდიული ან/და ფაქტიური მისამართი:	
საიდენტიფიკაციო კოდი:	
პრეტენდენტის ტელეფონის	
ელ-ფოსტა:	
მომსახურე ბანკის დასახელება:	
მომსახურე ბანკის კოდი:	
ანგარიშსწორების ანგარიშის	

პრეტენდენტის ხელმოწერა: -----
(ხელმძღვანელი)

„ტექნიკური დავალება - ფასების ცხრილი“

მიმწოდებელმა უნდა უზრუნველყოს:

1. საზოგადოებრივი წესრიგის დაცვა შესაბამის ობიექტზე;
2. მატერიალური ფასეულობების დაცვა;
3. დაცვის ობიექტზე გამოყოს კვალიფიციური დაცვის თანამშრომელი და უზრუნველყოს მისი დროული და მოწესრიგებული გამოცხადება დაცვის ობიექტზე, დანართი N2-ის პირობების გათვალისწინებით.

N	შესყიდვის ობიექტი	თანამშრომლის რაოდენობა	ერთი თვის მომსახურების ღირებულება	მომსახურების საერთო ღირებულება	მომსახურების გაწევის ვადები	მომსახურების გაწევის ადგილი და პირობები
1	საქართველოს ეროვნული არქივის სტრუქტურული ერთეულის, ქვემო ქართლის რეგიონული არქივის შენობის ცოცხალი ძალით დაცვა	1			2017 წლის 01 იანვრიდან 2017 წლის 31 დეკემბრის ჩათვლით	ქვემო ქართლის რეგიონული არქივის შენობა - მისამართი: ქ. რუსთავი, მეგობრობის გამზირი №20 ^ბ დაცვის მომსახურება უნდა განხორციელდეს ყოველდღიურად შაბათ-კვირის გარდა 09:00 საათიდან 18:00 საათამდე, 1 (ერთი) სამშაბათო ერთეულით, 1 ცვლიანი სამუშაო რეჟიმით
2	საქართველოს ეროვნული არქივის ზუგდიდის რეგიონული არქივის შენობის ცოცხალი ძალით დაცვა	2			2017 წლის 01 იანვრიდან 2017 წლის 31 დეკემბრის ჩათვლით	ზუგდიდის რეგიონული არქივის შენობა - მისამართი: ქ. ზუგდიდი, მეუნარგიას ქ. N11/ა/ზვიად გამსახურდიას 14ა დაცვის მომსახურება უნდა განხორციელდეს ყოველდღიურად სამუშაო დღეებში (ორშაბათი - პარასკევი) 18:00 სთ-დან დილის 09:00 სთ-მდე; არასამუშაო დღეებში (შაბათი-კვირა, დღესასწაულები) – 24 საათის განმავლობაში, 2 ცვლიანი სამუშაო რეჟიმით ან მიმწოდებლის შეხედულებისამებრ.

პრეტენდენტის ხელმოწერა: _____
(ხელმძღვანელი)

სახელმწიფო შესყიდვის შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი

ქ. თბილისი

2017 წელი-----

სსიპ საქართველოს ეროვნული არქივი (შემდგომში - შემსყიდველი), წარმოადგენილი მისი გენერალური დირექტორის მოადგილის მოვალეობის შემსრულებელი დავით ლიტკინის სახით, ერთის მხრივ და ----- (შემდგომში - მიმწოდებელი) მისი ----- სახით, მეორეს მხრივ, საქართველოს მოქმედი კანონმდებლობისა და მიმწოდებლის სატენდერო წინადადების საფუძველზე, SPA----- გამარტივებული ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას (შემდგომში - ხელშეკრულება) შემდეგზე:

1. ხელშეკრულებაში გამოყენებულ ტერმინებს აქვს შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ.
- 1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ - კალენდარული დღე, კვირა, თვე.
- 1.4 „შემსყიდველი“ - ორგანიზაცია, რომელიც ახორციელებს შესყიდვას.
- 1.5 „მიმწოდებელი“ - პირი, რომელიც უწევს მომსახურებას შემსყიდველს ამ ხელშეკრულების ფარგლებში.
- 1.6 „მომსახურება“ - ხელშეკრულების მე-2 მუხლით გათვალისწინებული მომსახურება.
- 1.7 „ინსპექტირება“ - ხელშეკრულების პირობების შესრულების კონტროლი და ზედამხედველობა.

2. ხელშეკრულების საგანი

2.1 ხელშეკრულების საგანია (შემდგომში „შესყიდვის ობიექტი“) დაცვის მომსახურება (CPV კოდი: 79700000) სატენდერო დოკუმენტაციისა და დანართი N---ის შესაბამისად, რომელიც წარმოადგენს ამ ხელშეკრულების განუყოფელ ნაწილს.

3. ხელშეკრულების ღირებულება

- 3.1 ხელშეკრულების ღირებულება შეადგენს ---- (-----) ლარი.
- 3.2 ხელშეკრულების ღირებულება მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ მიმწოდებლის ყველა ხარჯს, მათ შორის, საქართველოს კანონმდებლობით გათვალისწინებულ გადასახადებს.
- 3.3 წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ამ შემთხვევაშიც ფასის ცვლილება დასაშვებია არაუმეტეს ხელშეკრულების ჯამური ღირებულების 10 %.

4 მხარეთა ვალდებულებები

4.1 მიმწოდებელი ვალდებულია:

- ა) უზრუნველყოს ცოცხალი ძალით დაცვის მომსახურების გაწევა, წინამდებარე სატენდერო დოკუმენტაციის, ხელშეკრულების პირობებისა და დანართი N---ის შესაბამისად, რომელიც წარმოადგენს ხელშეკრულების განუყოფელ ნაწილს;
- ბ) მომსახურების გაწევისას მიმწოდებელმა არ უნდა გაამჟღავნოს „შემსყიდველი“-ს სამსახურებრივი საიდუმლოება;
- გ) მიმწოდებელმა მომსახურების გაწევა უნდა განახორციელოს სამუშაო ფორმით, ცეცხლსასროლი იარაღის გარეშე;
- დ) მიმწოდებელმა კეთილსინდისიერად უნდა შეასრულოს დაკისრებული მოვალეობები, „პოლიციის შესახებ“ კანონის მოთხოვნათა შესაბამისად;

ე) მიმწოდებელი ზარალისათვის პასუხისმგებლობას იღებს მასზე დაკისრებული მოვალეობების არაჯეროვანი შესრულების შემთხვევაში;

ვ) ზარალის ოდენობის განსაზღვრა მოხდება მხარეთა მონაწილეობით შედგენილი შედარების აქტით, რომელიც უნდა ეყრდნობოდეს შემსყიდველის საბუღალტრო დოკუმენტაციას;

ზ) შემსყიდველისათვის ფაქტობრივი ზარალის ანაზღაურებას მიმწოდებელი მოახდენს ერთობლივი კომისიის დასკვნის ან სასამართლოს კანონიერ ძალაში შესული გადაწყვეტილების საფუძველზე;

4.2 მიმწოდებელს პასუხისმგებლობა არ ეკისრება:

ა) თუ შემსყიდველმა არ შეასრულა ხელშეკრულებით გათვალისწინებული პირობები, პირველადი და შემდგომი გამოკვლევის აქტების მოთხოვნები;

ბ) თანამშრომელთა პირად საკუთრებაზე, რომელიც დატოვებული იქნა დასაცავ „ობიექტში“;

გ) მიმწოდებელს პასუხისმგებლობა არ ეკისრება მატერიალურ ფასეულობების ქურდობისათვის, თუ ქურდობა ჩადენილია შემსყიდველის მიერ, ობიექტის დაცვისათვის ჩაუბარებლობის მიზეზით.

4.3 შემსყიდველი ვალდებულია:

ა) განახორციელოს პირველადი და შემდგომი გამოკვლევის აქტების მოთხოვნათა შესრულება და მიმწოდებელთან ერთად იზრუნოს ობიექტის დაცვის სრულყოფისათვის;

ბ) ობიექტის მთლიანობის დარღვევის შემთხვევაში არ შევიდეს მასში მიმწოდებლის თანამშრომლის გარეშე და არ დაიწყოს მატერიალურ-ფასეულობათა აღწერა;

გ) მიმწოდებელს 15 დღით ადრე აცნობოს და მასთან შეთანხმებით გადაწყვიტოს ობიექტზე მოსალოდნელი ყველა ის ცვლილება, რომელიც შეეხება დაცვის უსაფრთხოებას. (ობიექტის დაცვითი სიგნალიზაციით აღჭურვა, მუშაობის რეჟიმის ცვლილება, სამშენებლო-სარემონტო სამუშაოების წარმოება და ა.შ.);

დ) მიმწოდებლის თანამშრომლების მიერ ხელშეკრულებით ნაკისრი ვალდებულებების შეუსრულებლობის შესახებ წერილობით აცნობოს მიმწოდებელს;

ე) შემსყიდველს ეკრძალება დამატებითი ხელშეკრულების გაფორმების გარეშე დაავალოს მიმწოდებლის თანამშრომლებს იმ ობიექტების დაცვა, რომელიც არ არის განსაზღვრული მოკვლევის აქტით.

5. ხელშეკრულების შესრულების კონტროლი

5.1 შემსყიდველის მიერ ხელშეკრულების შესრულების კონტროლი განხორციელდება პერიოდულად, როგორც მომსახურების გაწევის დროს, ისე ამ ხელშეკრულების მოქმედების პერიოდში, შემსყიდველის მოთხოვნათა შესაბამისად.

5.2 ინსპექტირებას განახორციელებს საქართველოს ეროვნული არქივის -----

5.3 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს მომსახურების კონტროლი და თუ აღმოჩნდება წუნი გაწეულ მომსახურებაში, მიმწოდებელი ვალდებულია შეტყობინებიდან დაუყოვნებლივ გამოასწოროს წუნი.

6. მომსახურების მიღება-ჩაბარების წესი

6.1 მომსახურების მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით.

6.2 მომსახურების მიღებას აწარმოებს საქართველოს ეროვნული არქივის წარმომადგენელი, მიღება-ჩაბარებაზე უფლებამოსილი პირი.

7. ანგარიშსწორება

7.1 ანგარიშსწორება განხორციელდება შემდეგი პირობებით:

ა) ანგარიშსწორების ვალუტა - ლარი;

ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

7.2 შემსყიდველი იღებს ვალდებულებას გადაუხადოს მიმწოდებელს გაწეული მომსახურების ღირებულება მიღება-ჩაბარების აქტის (მათ შორის შუალედური) გაფორმებიდან და საგადასახადო ანგარიშ-ფაქტურის (კანონმდებლობით გათვალისწინებულ შემთხვევაში) წარმოდგენიდან 10 (ათი) სამუშაო დღის განმავლობაში.

7.3 შემსყიდველი უფლებამოსილია, ხოლო მიმწოდებელი თანახმა ხელშეკრულების პირობების დარღვევის გამო დაკისრებული პირგასამტეხლოს თანხა (ასეთის არსებობის შემთხვევაში), გამოქვითოს ყოველი მიღება-ჩაბარების აქტის საფუძველზე, მიმწოდებელზე გადასარიცხი თანხიდან და გადარიცხოს მიმწოდებლის სახელით სახელმწიფო ხაზინის შესაბამის სახაზინო კოდეზე.

8. ხელშეკრულების შესრულების შეფერხება

8.1 თუ ხელშეკრულების შესრულების პროცესში მხარეები წააწყდებიან რაიმე ხელშეშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

8.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

9. ხელშეკრულების პირობების შეუსრულებლობა

9.1 წინამდებარე ხელშეკრულების 4.1 პუნქტის „ა“ ქვეპუნქტითა და 5.3 პუნქტით გათვალისწინებული პირობებისა და ვადების დარღვევის შემთხვევაში, მიმწოდებელს ეკისრება პირგასამტეხლო შესაბამისად ყოველ ვადაგადაცილებულ დღეზე ხელშეკრულების ღირებულების **0,02%-ის** ოდენობით.

9.2 წინამდებარე ხელშეკრულების 7.2 პუნქტით გათვალისწინებული პირობებისა და ვადების დარღვევის შემთხვევაში, შემსყიდველს ეკისრება პირგასამტეხლო შესაბამისად ყოველ ვადაგადაცილებულ დღეზე ხელშეკრულების ღირებულების **0,02%-ის** ოდენობით.

9.3 იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადაჭარბებს ხელშეკრულების ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

9.4 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

10. ხელშეკრულებაში ცვლილებების შეტანა

10.1 ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.

10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11. დავების გადაწყვეტა

11.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

11.2 თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

12. ხელშეკრულების შეწყვეტა

12.1 შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

12.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით გათვალისწინებული ვალდებულებების შესრულებისაგან.

12.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

13. ხელშეკრულების მოქმედების ვადა

წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს ----- ჩათვლით.

14. ფორს-მაჟორი

14.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

14.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან

დამოუკიდებელ გარემოებებს, რომლებიც არ არიან დაკავშირებული შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

14.3 მხარემ, რომელსაც შეეძენა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

15. საერთო პირობები

ხელშეკრულება შედგენილია სამი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ორი – შემსყიდველს.

16. მხარეთა რეკვიზიტები:

შემსყიდველი

მიმწოდებელი

საქართველოს ეროვნული არქივი
მისამართი: ქ. თბილისი, ვაჟა ფშაველას №1,
ტელეფონი: 238-14-25,
საბანკო რეკვიზიტები: ანგ.#
GE24NB0330100200165022
სახელმწიფო ხაზინა, კოდი TRESGE22,
სკ – 211358957
